



Vim Li Cas Koob Tshuaj COVID-19 Johnson & Johnson Tau Nres Kev Siv: Yam Uas Koj Yuav Tsum Tau Paub

Koob tshuaj COVID-19 Johnson & Johnson pom zoo rau cov tibneeg muaj 18 xyoo rov saud mus txhaj. Tsuas hno tib koob tshuaj Johnson & Johnson es thiaj li pab tiv thaiv tau tus kab mob COVID-19.

Vim li cas tau nres

Tau nres kev siv koob tshuaj Johnson & Johnson los kawm thiab paub cim kho qhov teeb meem uas rau ntshav khov. Thaum lub sijhawm nres no, cov kws tshawb fawb kev kho mob tau ntsuas tej ntaub ntawv txog koob tshuaj thiab pom tias tej yam zoo los ntawm koob tshuaj no zoo tshaj qhov kev phom sij me me no. Qhov mob ntshav khov no yeej kho tau, tiamsis cov kws kho mob yuav tsum paub cim, paub muab qhia tawm, thiab paub kho.

Mus txhaj koob tshuaj Johnson & Johnson

- Nws tseem ceeb rau cov pojniam, tshwj xeeb yog cov uas muaj 50 xyoo rov hauv, paub txog tej kev huam mob ntshav khov. Peb lub lim tiam tom qab koj mus txhaj tshuaj tag, xyuas seb puas pom muaj:



- Txog siav



- Mob hauv siab



- Txhais ceg mob o

- Mob plab mog/mob plab uas tsis txawj ploj mus



- Mob taubhau heev lossis kev mob taub hau uas tsis txawj ploj mus



- Qhov muag pom plooj plooj



- Nqaij roog losis tej cim ntshav me me nyob ntawm ntawv nqaij yam tsis yog qhov chaw hno koob

- Yog tias koj pom muaj tej yam mob no huam tuaj, mus rau chav emergency lossis urgent care. Mus qhia rau tus kws kho mob tias koj niam qhuav mus hno koob tshuaj Johnson & Johnson.
- Tej tsos mob no yuav siv sijhawm mam li pom tshwm tuaj thiab mob heev tshaj tej yam mob tom qab, uas tsuas mob ib ob peb hnuv tom qab hno tshuaj tag xwb.

Yog tias koj twb mus txhaj koob tshuaj Johnson & Johnson ib hlis dhau los lawm, tej zaum koj yuav tsis pom muaj tej yam mob no.

Txhua lub zej zog mus cuag tau txhua koob tshuaj COVID-19

Txhua tus neeg nyob hauv Minnesota muaj kev xaiv seb lawv xav mus hno koob tshuaj twg.

Txhua lub zej zog muaj txhua koob tshuaj nyob rau ntau qhov chaw txhaj tshuaj. Koj mus saib tau hauv online lossis hu thiab nug seb qhov chaw txhaj tshuaj ntawd muaj hom koob tshuaj twg.

Tej yam kev phom sij thiab yam zoo

Tej yam zoo los ntawm koob tshuaj Johnson & Johnson tseem zoo tshaj tej yam kev phom sij me.



Kev phom sij: Cov pojniam uas muaj 50 xyoo rov hauv yuav tsum xyuam xim lawv mob tau ntshav khov ntawm koob tshuaj. Qhov kev phom sij yeej tsis tshua tshwm sim heev rau cov pojniam muaj 50 xyoo rov hauv thiab cov txivneej tab txawm lawv muaj pes tsawg xyoo.



Tej yam zoo: Koob tshuaj Johnson & Johnson yeej ua haujlwm zoo heev los tiv thaiv kev mob hanyav, kev mus pw tsev kho mob loj, thiab kev tuaj los ntawm tus kab mob COVID-19. Tsuas nij hno tib koob tshuaj xwb ces tau kev tiv thaiv hlo lawm. Nws tseem ceeb los mus txhaj tshuaj es thiaj li pab xaus tus kab mob COVID-19 uas kis thoob qab ntuj.

Kev nyab xeeb ntawm tej koob tshuaj

Tej koob tshuaj COVID-19, nrog rau koob Johnson & Johnson, tsim tau sai heev vim muaj peev nyiaj pab ntxiv thiab lwm yam kev txhawb ntxiv, thiab kev tshawb fawb yav tag los. Nws tseem ceeb rau koj paub tias yeej xyuam xim tsim koob tshuaj no ua raws li txhua kauj ruam. Yuav kom koob tshuaj COVID-19 ua haujlwm zoo yog lub hom phiaj xub thawj. Cov kws tshawb fawb kev kho mob yuav tsum muaj ntaub ntawv ua pov thawj tias koob tshuaj yeej nyab xeeb siv tau ua ntej lawv tso cai pub siv.

- Tej kws ua haujlwm saib xyuas kev mob nkeeg tau siv ntau yam los tswj tagrho cov koob tshuaj COVID-19 kom nyab xeeb siv tau tom qab lub Food and Drug Administration (koom haum saib xyuas zaub mov yeeb tshuaj).
- Tej yam no cim tau cov mob tom qab uas tsis pom thaum lawv sim txhaj cov koob tshuaj no rau tibneeg.
- Tej kws tshaj lij mam li ntsuas thiab teb txog tej kev txhawj xeeb tam sid.

Peb txhawb kom txhua tus mus txhaj koob tshuaj thaum lawv mus tau. Cov kws tshaj lij pom zoo tias koob tshuaj COVID-19 yeej pab tiv thaiv ntawm tus kab mob COVID-19 kom tsis txhob mob hanyav thiab tuag tau.



Puas muaj lus nug?

Yog koj muaj lus nug txog koob tshuaj ces zoo tshaj rau koj mus tham nrog koj tus kws kho mob lossis kws saib xyuas mob. Lawv mam li pab qhia koj paub ntxiv thiab piav kom haum koj lub neeg thiab koj yam mob nkeeg. Yog tias koj tsis xav txhaj koob tshuaj Johnson & Johnson, yeej muaj lwm koob tshuaj COVID-19 uas tsis tau pom tias mob ntshav khov.

mn MINNESOTA
mn.gov/vaccine